



Takornariat umiarsuarnik takornariartaatinik tikittut tulannerminni isumannaallisaanikkut akitsuuserneqarnissaannik Naalakkersuisut UKA2024-mi Inatsisartunut saqqummiussassamik inatsisiliornissaat pillugu Inatsisartut aalajangiiffigisassaattut siunnersuut. Isumannaallisaanikkut akitsuutip siunertaraa inupparujussuit umiarsuarujussuarlutik tikittut tulannerminni timmisartukkut tikittutuut periuseq malillugu nalunaarsorneqartalernissaat, nunatsinnilu aningaasaqarnikkut iluanaarutigineqarsinnaalerlutik.

(Inatsisartunut ilaasortaq Aqqalu C. Jerimiassen, Atassut)

(Siullermeerneqarnera)

Qujanaq Inatsisartunut ilaasortaq Aqqalu C. Jerimiassen, Atassut uunga siunnersuummut.

Demokraatinut qularutissaangilluinnarpoq, aningaasarpassuarnik isertitsissutaasinnaasut takornarissat, Nunatsinnut tikittut pinngortitarput pinnersorsuaq misigiartorlugu kulturerpullu paasinarlugu. Nuummi Ilulissanilu mittarfiit pinngitsooratik, takornarissat amerlinissaannut pissutaaqataasussaapput. Taamaattumik ukkataritigu takornariartitsinerup inerisaqqinnissaa, assigiinngitsutigut, takornarissat assigiinngitsutigut innuttaasunut maani nunami iluaqutaalluarnissaannik tunngaveqartumik.

Silatusaerneruvoq takornarissat assigiinngitsutigut akitsuutinik akiliisittaraanni, mianersuutigissavarpulli, akitsuutit qaffasippallaannginnissaat. Tamanna mianersuussassaavoq. Tunuarsimaarpallaassanngilagut, aammali takornarissat qimaasissanngilagut, isertitaqarnissarput naatsorsuutaajunnaarlugu. Tamanna ersarippoq.

Siusinnerusukkut takoreerparput, umiarsuarnik takornariartaatinik tikittut qaffasippallaamik akitsuutinik akiliisinneqarnerisigut takornarissat amerlassusai appariarsimasut. Suliffissuaqarfiusumi allami – aatsitassarsiornermi – taamatutaaq sammisat annertoorujussuarmik appariarsimapput, Naalakkersuisuusimasut 2013-imi royalties eqqummassuk. Assersuutit taakku pingaartuupput eqqamassallugit, takornarissanut akitsuutinik akiliisitsiniarneq eqqartortillugu. Ima ingasattajaartigissanngilagut, takornarissat tikingittoortillugit. Kalaallit Nunaat kisimiiingilaq piffik pinnersorsuaq, takornarissat angallavigisinnaasaat. Takornarianit ornigarneqartuussaagut unammillersinnaasoq.

Siunnersuuteqartup innersuuppaa, nunarsuarmi piffinni allani soorlu assersuutigalugu unnuinernut assigisaannullu akitsuutinik akiliisitsisoqartartoq. Ilumoorpoq, kisiannili tikiffigineqartartuni, aaqqissuulluakkamik takornariartitsisarfinni tamanna pikkajuppoq aammalu tamakkunani takornarissat killilersornissaat kissaatigalugu taamaaliortarunarlutik, amerlinissaat pinnagu. Demokraatit isumaqarput, maani uagut Kalaallit Nunaanni allatut inissisimasugut. Tikeraarusussinnaasut qimaasissanngilagut akitsuutit qaffasissut pissutigalugit.



Demokraatinut pingaartuuvoq, Aningaasaqarnermut- aamma Akileraartarnermut ataatsimiititaliap siunnersuutip suliarinerani isummap taassumarpiaap sianiginissaa, taakkuninggalu oqaaseqaaserlugu siunnersuut Aningaasaqarnermut- aamma Akileraartarnermut ataatsimiititaliami suliareqqinneqartussatut innersuussutigaarput.

Det er rigtigt, men der er oftest tale om destinationer, som har en veletableret turismeindustri og måske sågar ønsker at begrænse antallet af turister, fremfor at øge det. Demokraatit mener, at vi her i Grønland står et andet sted. Vi er først ved at opbygge vores turismeindustri. Det skal altid være indbydende og attraktivt at rejse her til landet. Vi skal ikke skræmme potentielle gæster væk med for høje afgifter.

For Demokraatit er det vigtigt, at Finans- og Skatteudvalget er meget opmærksomme på netop dette aspekt i sin behandling af forslaget, og med disse bemærkninger indstiller vi forslaget til videre behandling i Finans- og Skatteudvalget.